


Lekha ar photo: Willem De Vink

# JESU MESSIAH

J  
E  
S  
U  
M  
E  
S  
S  
I  
A  
H

SOB PARA DANGOR KAHANI SOB HOMOI LAGA

WILLEM DE VINK



## Ki ase...?




**SWORGO DUT:** Nadikhya dutt Isor laga khobor ania.(p.5)

**ASHIRWAD:** Sob bhal saman juntu dibole mon manu ke, jun khan Tai iccha kaam kure.

**BIBLE:** Bible te apuni khan puri bole parey Isor kineka manu ke sai aro manu logote kineka babohar kure.


**PRABHU BHOJ:** Jusu laga chela khan roti aro juice loikena Jusu mora aro jee utha yad kura.(p.41).



**CROSS:** Ekta saman jote bishi dukh pai tatey Jisu nijor iccha para murishe. Juntu pichete jaikena Jisu laga chela khan laga ekta nishan hoishae.(p.25,50).



**CHELA:** Jisu laga pichete jaa manu khan.(p.18).



**EASTER:** Jesu jee uthia khushi mana din , aro Jews jati khan laga be dangor porop mana din.(p.38-54).

**ANANTO JIVAN:** Isor iccha te jivan Jesu logote thakia . etu mora ke jete kena hodai hodai nimite thakia. (p.23,29-30 and59).



**BISWAS:** Isor ke hae rukia Tai laga wada pura hobole nemite.(p.58).

**MAAFKURIDYA:** Isor maaf kore, manu kunbe maaf pabole tu like nai. Isor maaf de Jodi apuni paap kaam chare aro bodli hobo iccha kure .

Maaf dia tu parijaishe keele koile ami khan laga saja toh Jisu hae loiloishe.(p.58).



**ISOR RAJYO:** Isor rajyo toh tate thaakey jote Tai laga kotha mane.

**POBITRO ATMA:** Isor atma kuntu Tai manu logot thakibole mon jun hae Jisu laga piche berai.(p.58).

**JISU:** Isor laga chokra matlab Isor laga bacha. "Isor bachai".

**MESSIAH:** " Bacchi loa raja".  
Messiah (ekta Hebrew kotha) etu Greek te bodli kurile Christa koi kena jane.(p.52,55).

**PRATHNA:** Tumi Isor logot kotha kora, chupchap nohole awaz olai kena tumi Taike hune.(p.18,19,42).

**JEE UTHIA:** Jisu muri kena uthi jaa. Ekdin sob manu mura para uthibo. Etu pichete Isor para sob jati laga nyai kuribo.(p.53-57).

**WAPAS AHA:** Sob manu notun hobo jitia Jisu wapas ahibo etu prithibi te. Sworgo aro prithibi notun banabo Isor para.(p.57).

**SATAN:** Nadikha dusman Isor aro manu laga.

**PAAP:** Juntu kaam Isor laga birod te kure aro jun para moikhan ke Isor dia manjil para dur kure.(p.4)

**ISOR CHOKRA:** Jisu laga naam. Tai hae Isor jun prithibi te manu laga rup loikena ahishe, Isor laga chokra hoikena.



## KUN ASE JISU MESSIAH TU?

Jisu 2000 saal agey te Israel desh te thakishe. Moi khan Tia ke “Jisu Messiah” nohoile “Jisu christa” matey. Etu matlab tu Tai hae raja. Hoilebi Tai khali raja hae nohoi. Jisu Isor laga chokra aru manu laga be chokra koi. Etu matlab Tai Isor aru manu jati laga be hoi. Jisu laga jivan kahani tu Bible te koikena ase. Etu sob para dangor kahani sob homoi laga ase.

Jisu homoite ami khan laga homoi

Jisu jonom para suru hoishe. Manu khan theng para, nohoile gadha te, outh te aru ghora loikena berai. Bishi bhag laga Europe, middle east, aru northern Africa khan tu Roman sarkar para loikena thakishe. Bishi manu khan puribole aru likhibole najane thakishe, hoilebi Israel laga Jews jati tu pora likha thakishe. Tia Tia khan tu “kitab laga manu” koi thakishe. Isor kitab te koishe, juntu Bible ase. Tai hae sob bana Isor ase aru sob manu laga sathi hobole mon. Jisu para sapha para dekhai dishe.





## ISRAEL JISU HOMOI TE

**Rajdhani** : Jerusalem

**Provinces** : Galilee, Samaria, Judea.

**Size** : Lamsam 28,000 km<sup>2</sup>  
(10,810 sq.miles)

**Mousam** : Goram jaga

**Rajneeti** : 63 BC homoi para Romam sarkar Israel ke cholai thakishe.

**Sorkar** : Pontius Pilate, Roman sorkar para Israel ke cholai thakishe. Tiberian, ekta Raja para Pontius Pilate ke cholai thakishe.

**Dhorom** : Judaism. Jews jati laga ekta mandir thakishe Jerusalem te. Dhorom guru khan sob dhorom guru khan sob dhorom laga kaam khan kurea aru hikai ( Pharisees khan) jun khan bible para hikai thakishe.



Kiley sob manu khan nodi te jamma hoishe?



Nijor ke tyar kuribi,  
Isor rajyo ahiase.




Notun jivon suru kuribi.



Isor laga kuthar neai kuribole nimate gaas laga joor te ahijaishe....



Jun gaas bhal phol nedeu etu ke katideya hobo aru jui te phelai dibo!



ke moi khan bhal jivan betai thakia khan kebe katikena phalabo?

Hoi ! kun bi Isor laga neai para nabachibo. Hoilebi kunba moi pichete ahi ase jun hae tumi ke bhiton aru bahar para bodli kuribo



Tumi hosabi tumilaga jivan tu alag hobo mon hoile, tumi laga paap sikar kurikena etu pani te ahikena Baptist lobi !



Eteya tumi sapha hoishe tumi laga paap para notun jivan suru kuribole!

Nodite prachar kurea ke sob para John the Baptist koi kena matishe

Moi joruri nohoi, moi tu khali ekta rasta banai ase. Tai nimite jun hae dekhabo kun Isor ase. Tai hae Isor atma aru jui para Baptist dibo. Etu para apuni ke pura bodli kuridibo!



Aru etu picheta



Moi...moi hae apuni para Baptist lobo lagey!



Ena kuribi, etu pichete moi khan Isor laga iccha hae kuribole ase.




Baba, apuni laga rajya ahibi aro apunilaga iccha pura hobi !



Etu pichete ekta awaz swargo para koishe...

Hoi, tumi moilaga chokra ase. Moi tumi ke morom kure aru moi tumi para khushi ase.



Etu tu suru laga homoi thakishe John the Baptist tu Israel ke tayari kurithakishe messiah ahibo karne. Etu homoi te Israel tu ekta dangor Roman rajya laga choto bhag thakishe.



Israel laga Jews jati khan modot bathakeya para mon dukh thakishe. Manu khan Messiah kitiya ahibo koikena rukhi thakishe. Tai tu bachai deya ase jun he ahibo koikena Jewish laga puruna kitab te koikena ase. Etu Messiah para Isor laga neai

Jordan nodi te, John the Baptist para Jisu ke dekhai ase.

Sabi ! Isor laga bhera tat ease jun hae prithibi laga paap uthai loijabo.



Tai laga baptism pechete, Isor atma para Jisu ke dangar jongle te loijaishe



Tai tate 40 din aru rati thakishe. Tate thakeya homoi te Tai eku khanai. Tai laga kaam safa para dikhibo karne prathna aru fasting thakishe.



Jitibo karne, Jisu hae Isor laga kaam prithibi ke sapha para dekhai dibo lage. Etu tu Isor laga yojana ase ke manu khan sob mora laga hath para bachabole

Jisu saitan ke jitishe, nadekhea andhar laga raja jun hae prithibi ke cholai, mora aru beya kaam te.



Hoi baba! Apuni kae kobo moi etu kuribo!








Hoilebe saitan, Tai laga dushmon, Jisu ke Tai laga maksad para dur kuribole kochis kurishe.

Jodi tumi Isor laga chokra ase koile etu pathorkeroti banaikenakhabi.

Nai! etu kitab te likhinkena ase: manu khali roti para hae nabache hoilebi Isor laga kotha be dorkar ase.



Jodi tumi Isor laga chokra ase dekha be! Mandir upor para jump kuribi. Ki ineka likha nai Tai swargo dut pathai kena bachaidibo?

Etu bi likhe kena ase Isor ke porikha nolobi.




Jodi hosabi tumi moi ke matha neche kurikena manile moi tumi ke prithibi laga sob shakti dibo.

Moi laga osor para dur jaijabi saitan ! Ineka likhikena ase: Isor hae ekta ase jun ke matha niche kuri kena mane.




. Etu pichete saitan Jisu ke ekla charikena jaijaishe. Aru Swargo dut khanJisukemaniboleahishe.





Jitia Jisu Galilee te wapas ahishe Tai pobitro atma para bhorta hoikena ahishe. Jisu bishi manu thaka jagate dangor hoise juntu Israel laga north te ase. Tai jitia barai manu khan bishe Tai logot ahijai. Tai ke janibole mon Jisu tu Messiah hoi na nohoi juntu kitab te likha ase.

Cana desh te, Galilee laga kunba pahar bosti te,  
ekta saadi hoi thakishhe....



Jisu bi etu saadi te thakishhe Tai  
laga ama aru kunba sathi khan  
logote.





Cappernaum koa jaga tu ekta bishe bhal maas dhora bosti ase Galilee koa nodi osor te.yeate Jisu khulikena Isor rajyo laga kotha kurishe.



Aro yatey Jisu Tai laga poila chela basise.



Peter, pani besi thaka jag ate jabo aro tumi laga jaal tatey phelabi.



Malik, raat bhor jaal marise hoilebi olopbi maas panai.



Hoilebi apuni koiaise etu karne....



. Araa! Moi biswas nalage!





James! John!  
Yatey ahibi jivan  
bhor laga maas  
dhorishe.




Moike charibi malik, moi bishi  
paapi manu ase.


Bhoi nokuribi, Peter!




Ahibi moi pichete! Moi tumi ke manu  
ke jaal mara manu banabo!



Moi laga  
picheahibi!



Jisu Galilee sob te Tailaga chela loikena beraishe, sob manu khan ke Isor rajyo laga kotha koikena. Tai sob bemaar khan bhal kurishe, biya atma khan hataishe aru manu khan asorit hoikena Tai pichete ahishe. Manu khan alak alak jaga aru Jerusalem para bi ahishe juntu Israel laga rajdhani ase. Taikhan Tai laga sob kotha hunithakishe.



Ashirbad ase gorib khan ke. Sworjo rajyo tu tai khan laga ase.


Ashirbad ase bhuk lagia khan ke keele koile taikhan laga bhuk khotom hobo.



Ashirbad ase taikhan jun kandi ase, taikhan aro hashibo.



Ashirbad ase tumi jun moi laga naam te tumi ke biya kobo. Khushi hobi aru anan manabi kile koile apuni laga inam sworgo te dangor ase.





Tumi jenika manu para bhal lobole mon enika hae tumi be manu ke debi.




Dushman ke morom kuribi aro tai khan karne prathna kuribi.



Lukai kena bhal kuribi manulaga osorte dekhai kena nohoi.



jun kunbabi dusra maike ke saikena lobole mon kore taitu poila hae mon te paap kuriloishe.



Chuku tu gao laga puhor ase. Jodi tumilaga chuku safa thake koile tumi laga sob gao tu safa ase. Hoilebi Jodi tumi laga chuku moila ase koile, tumi andhera te thaki ase.




Kun bi duita malik laga kaam kuribo naparibo; Isor nohole dhon sompoti, ekta hae hobolage.



Kali karne chinta nakuribi. Isor laga rajyo poila bisaribi aro sob apuni laga pichete ahibo.



Jodi apuni moi laga kotha manishe koile, apuni tu pathor upor te ghor bana nishena hobo. Jodi mania nai koile apuni tu balu upor te ghor bana nishena hobo.



Ek din jetia manu khan Jisu laga ghor osor te jama hoishe Capernaum te.....

Moi khan keteya bi jabo naparibo.

Ghor upor para hae bisna loikena jabo lagebo!



Upor te ki hoiashe?

Charibi tai khan ke! Etu sathi khan logote dangor biswas ase!



Tumi laga paap maaf hoishe.



Kineka Tai tu! Tumi etu hunishe?

Tai Isor ke dhamali kuriase!

Khali Isor hae kunba laga paap maaf dibopare!



Ekta lengra manu ke ki tu kobole aram ase: tumi laga paap maaf hoishe na uthijabi?



Paap maaf kuribole Messiah logote adhikar ase. Hoilebi moi etu bi koi ase: nijor laga bisna uthabi aru berabi.





Kimán asorit!


tai berai ase!

Hoi! Moi berai ase!

Hoilebi sob manu Jisu laga kaam tu khushi panai. Dhorom guru k h a n J i s u k e s a i t h a k i s h e , J i s u Sabbath din laga niyom mania se na nai. Israel te Sabbath din te keba bi kaam kuribole mana ase.



etu manu tu hath biya thakeshe. etu bhal kuribole etu din parey ?



Hath uthabi!




Wow! Moi bhal hoise.



Moi khan Taike hatabo lagibo!

Jerusalem te leaders khan ke kobo lagibo ki Tai desh ke alak kuriase.

Jisu chela khan loikena Galilee laga nodi ten au para jaishe.



Malik! Modot! ami  
khan pani te dubi ase!




Keelae bhoi kuri ase?  
Tumi laga biswas  
kotey ase?





Chupchap!  
nahilibi!



Tai khan nau tu nodi kinar te  
bandishe. pahar te.....

Raaah!




Ekta bhoot atma lagia manu pahar te ase....



tai ahi ase!

Tai! ugh!



oh,oh, Jisu?




Charidibi taike, bhoot atma!

Moi apuni logotte kuribole ki asae oh Isor laga chokra?






Tumi laga naam ki ase?


Legion, keelae koile moikhan bishe asae.



Moi khan ke etu gahori khan te jabo dibi.

Jabe!






Moi tumi ke koi asae: chokra Tai nijor eku bi kuribo naparae. Tai laga Baba ke koroe Tai etu hae dekhikena korae. Moi nijor laga iccha nakurae hoilebi Baba laga iccha hae korae. Tai hae asae moi ke potha tu.




Jisu khali jaga te prathana kure bo karnae hodai jaai.



Ekta prathana laga rati pichetae Jisu 12 chela ke basisae. Aru Tai dui jon duijon kurikena bahar jabo disae. Taikhan ke sob biya atma hatabole aru bimar bhal kuribole tagot disae.



Tai khan dada bhai ase Peter aru Andrew...



James aru john dada bhai...



Philip aru Nathanael....

Thomas aro Matthew ( tai khan poila te Roman khan karne khajana utha manu thakisae).




Thaddacus aro alak toh james ase....



Simon, ekta larai jitia manu aro Judas Iskariot.




Jabi. Kunhe tumi ke loi, moike lobo, aro kunhe moike lobo tai Taikabi lobo junhe moike pothaisae.



Etu 12 chela tu taikhan kaam pura kurikena khushi para wapas ahisae. Etu pichete Jisu taikhan ke loikena ekla jabole mon hoishe hoilebi manu khan bishe jama huwa karne jabole paranai.

Kheti tu dangor asae hoilebi kheti kuria manu bishe komti asae. Prathana kuribi malik logote kheti kuria manu bisae pathabole etu kheti sob uthabole.





Jisu kotha kuriasae aru sob bimar khan bhal kuriasae. Aro deri hoiasae...

Philip, etu manu khan karne kineka kurikena bhat khelabo? Keelea khabole keba nadea?



8 moina laga hajira bi napunchibo!

Yatae ekta chokra pasta roti aro duita choto maas loikena asae. Etu hae asae.



Sob manu kae line line para bohebo dibi. Aro ekta line tae poncheas jon kurikenea




Jisu dhanyabad disae Isor kae.



Tai Roti aro maas bhangaia. Jisu dhanyabad disae Isor kae.







Aro hajar manu khan khaisae jitia Jisu para besi banaidisae...



.Ahibo kowa messiah tu Tai hae asae hola.


Moi khan Taike raja banabo lage.



Sabi toh! Tate aro bi 12 basket bache jaisae!



Etia homoi hoisae manu khan sob ghor jabo lage. Tumi nau loikena dusra phale jabi. Moi etu pahar te thakibo prathana kurikena.



Eneka bi manu khan thakisae jun khan Jisu ke raja banabo koi thakisae. Jisu laga leadership te Roman para azad hobo bhabana thakisae. Jisu laga birod te bi beshi manu thakisae. Taikhan Jisu ke barbar hinsa kuri thakisae. Taikhan Jisu laga birod te manu khan khara kurikena Jisu ke hatabole kurisae.



Malik, kitya apuni yatae ahisae?

Moi tumi ke roti diya karne ke Tumi moike bisari asae?



. Chinta nakuribi etu bhat karnae juntu puchi jai. Hoilebi chinta kuribi etu bhat karnae juntu hodai karnae ase aro anonto givan



moihae roti asae juntu anonto givan dea. Etu moilaga gao asae juntu prithibi laga givan karne disae



Kineka etu manu Tai laga gao moikhan kae khabole dibo?

Misamishi !




Ahibi ami khan jabo !

Tai moi khan ke misamishi koi asae.



Tumi bi jabo le mon nai ?


Malik, kun logote amikhan jabo ? Apuni logote anonto jivan laga kotha asae!



Jerusalem laga bahar te manu khan besi morai de thake. Cross te lagai kena mare, junkhan beya asae tai khan ke Roman sorkor laga morai deya saza asae.



Jodi kunba moi logote thakibole mon jai koile tai tu ekta phale hae hobo lage, tai laga Cross uthai kena moi peche ahibi.



Jun kunhe tai nijor laga jivan koi tai etu jivan harai dibo. Hoilebi jun kunhe moikarne tai laga jivan harai dibo tai paijabo



tumi etu janibo lagae, khali ekta Isor asae.



Khas kotha toh etu asae , Isor ke tumi logote ki asae etu sob para morom kuribi , aro tumi dusra manu kebi nijor nisina morom kuribi !



Etu homoi te Kor(Leprosy) bosti thakisae Israel te. Kor tu gao(body) chamara laga beya bimar asae. Jun kunhe etu bimar hoikena asae etu khan bhal manu osor te jabo nede.



Kor(leprosy) thakia manu khan kunba jaga tae ja homoi te hala kuri kena manu khan ke janai de taikhan ahi ase koikena

**KOR KOR ...**

**KOR KOR ...**



Jisu! Malik! Moikhan opor te morom kuribi





Jabi, nijor ke dhorm guru ke dekhabi!



Jabi dhorm guru khan logote? Bichar kuribole?

Enika hae moi khan bhal hobo?



?

!




Sabi! moi bhal hoisae!



Moi khan bhal hoisae !

Hoi!



Halleluyah! Isor bhal asae! Dhanyabad!



Ki tumi khan Dos jon bhal hoisae nohoi? Baki kotae asae ? Tai khan Isor ke dhonyabad dibole ahanai ?



Uthibi! tumi laga biswas para tumi ke khali bhal kora nohoi hoilebe tumi ke bachai be disae.

Jerusalem laga Jewish leaders khan taikhan laga kaam kuria manu khan ke Jisu logote pathisae Jisu bera homoi te jasoos kuribole . taikhan pura tailaga kaam te birod kurisae.

Tai eneka manu khan logote berisae jun khan laga biya naam asae jeneka bodmas maiki khan, khajana loa dangor manu khan jun khan Roman khan logote kam kure.

Messiah ahi jaisae jun kunhae haraikena asae taikhe bachabole .




. Keelae koile Jisu Sabbath din te bimar bhal kuri sae...

Bhal hoijabi!



Aru bachakhan Jisu laga alak morom pai khakisae.

Bachakhan ke moi asor te ahibo dibi. Isor rajyo tu bacha khan karne asae.





Jisu ke matisae Bethany tae, Ekta bosti juntu Jerusalem para nohoi. Lazarus bimar ase. Lazarus aro tai laga duita didi Martha aru Mary Jisu laga bhal sathi asae. Jitia Jisu Bethany te ahisae, Tai huni sae ke Lazarus tu Char(4) din para mati te hali kena asae.



Malik, Jodi apuni yatae thakisae koile moilaga Bhai muribo thakeyanai!



Tumi laga bhai aru jinda hobo, Martha.



Hoi moi jane. Tai aru jinda hobo jee uthia last dinte.



. Moihae jee uthia aru jivan asae. Junkunhe moike biswas kore tai jinda thakibo. Tumi etu biswas korae Martha?



Hoi Malik! Moi biswas asae apuni hae ahibo koa laga asae aru Prithibi ke bachabo koa laga Isor alaga Chokra asae.



Tai ke kote dabai kena asae?





Ena sabi; Tai hosabi taike morom kore.

Hoilebi taitu Lazarus laga mura din tu ruka bole para nai?




Yatae mura khan ke kapur para bandike na rakha pathor para bana jaga asae.

**Hatai debi etu phator!**



Malik, etu gundhabo; etu Char din hoi jai sae.

Tumi Isor laga asorit kaam dekhibo.



Baba, moi etu kelae koi asae koile yate khara hoi thaka manu khan biswas kuri bo ki apuni hae moike phata asae koikena.




**Lazarus bahar ahibi!**



Muria homoi te juntu kapur bandisae etu khuli dibi aru tai ke jabo dibi.

Jerusalem laga adhikar manu khan sob Jisu aru tailaga chela khan ke arubi besi jani bo mon hoishe.



Etu manu tu beshi asorit kaam kuri asae.

Jodi moikhan etu eneka hae hobo dithakile Roman para action lobo!

Taikhan amikhan laga mondir aru desh ke beya kuride bo.



Nejor laga dimak chola bi! Pura desh beya hua bodli ekjon ekla hae mora tu bhal asae.



Etukarne Jesu ke morai dibo lagibo!





. Etu homoi pichete Jewish leaders khan ekta thik homoi bisari thakisae Jisu ke Roman sorkar logot te dibolae. Taikhan logot te hae morai dibo lae odhikar asae.

Jitia Jisu Betheny te thakisae...



. Mary!




Etu scent! Etu tu besi dam laga asae!



Moikhan poisa u gorib khan ke diya tu hae bhal hubo.



Taike ekla charibi, Judas. Tai moilaga gao tu muri bole karne tayar kuri asae.



Joldi hae Jews khan laga dangor porob din ahiasae.  
Manu khan besi Jerusalem ahi asae.



Jerusalem te leaders khan Jesu ke  
dhori bole yojna kuri thaki asae.  
Hoile be Tai tate hae jaaisae.



.Manukhan sob khushi para hala kurithakisae Jesu ke swagat kurike na.



Huray

Huray

Besi din bachi bi etu manu kunhae Issor nam para ahisae!


Israel laga raja.



Pura prithibi tai laga piche kuri asae.

Moi khan eneka kotae bi panai.

Rajdhani laga mondir tu Isor  
naam ucha kureya city laga  
bich te asae .



Etu dangor porob din te bhera  
laga bacha khan ke kati dae.




Bhera khan mondir tae  
baali(sacrifice) charai manu  
laga sambband Isor osor tae  
bhal hubo karne.



Hoilae be kunhae morai dya  
bhera para manu ke tai laga  
paap para bacha bo?




Mondir laga bhethor tae manu khan saman aru  
poisa bodli kuri asae.



Jisu be tate thaki sae....



Isor ghor tu ekta prathana  
kura ghor asae hoilebi  
tumikhan etu chor laga jaga  
banai disae!




Tai besi khatra asae,  
manu khan sob Tai  
laga kotha loi.



Moi khon Taike joldi  
hatabo laga!






moikhan Jodi chalak kore kina toh Taike dhuribo paribo. Aro Tai ke morabole dibo paribo.

Hoilebi etu porob din te nohoi. Moi khan eku bi jhamela etu din te hobo dibo mon nai.



Tai karne kiman dibo moi ke?

Etu tu Judas Jisu laga ekjon chela!



Moi Jisu ke apuni khan laga hath te didibo!



Moi khan tumi ke chandi laga tis (30) tukra dibo Jisu karne, ekta kaam kora manu laga daam.



Jisu porob din laga aagey te mandir te thakikena manu khan logate kotha kuri thakisae, leader khan para bar bar dikdar di thakilebi.



Etu sham te Jisu aro Tai laga 12 chela khan etu jaga tae lok kurisae porob din te.



Moi aji rati hae etu kuribo!!





Moi dukh napa aagey te tumi  
khan logote etu porob laga  
bhat khabo mon asae.



Adhikar manu khan tu taikhan  
ke seva kuribo de. Hoilebi etu  
tu tumi khan karne ekta alak  
hobodibo.



. Nokar tu tumi khan laga  
leader hobo.




Moi tumi khan bish te ekta  
nokar nesina hae asae.






Malik, ki apuni moi laga  
theng nokar nesina dhulai  
dibo? Nai! Nohobo kitiyabi!

Jodi moi tumike  
nadhulai Peter, tum  
moi laga nahobo.



malik, nohole moi laga  
matha aru hath bi  
dhulai dibi!

Jun kunhe gao  
dhulaisae tai khali  
theng hae dhulabo laga.



Tumi moike malik aro Guru  
mattisae, juntu thik asae. Moi  
jineka tumi laga theng dhulaisae  
eneka hae tumi bi dusura manu  
khan ke kuribo laga.



Tumi khan para ekjon moike  
dhoka dibo asae.

Etu moi nahoi na?

Kiteya bi nohoi!



Judas, tumi ki kuribole  
asae joldi kuribi!





Eneka hae kurithakebi moi laga yaad para...



Roti lobi, etu moi laga gao asae.



Etu Cup lobi, etu moi laga khoon tumi khan karne olai di asae. Ineka hae Isor para ekta notun somband banai asae.



Moi tumi khan ke notun aagya di asae, ekjon ekjon ke morom kuri be jenika moi tumi ke morom kuri sae.



Jodi tumi khan logote eneka morom thake koile sob manu para tumi tu moilaga chela asae koikena janibo.



Malik, moi apuni peche tae subjaka te ahibo. Moi apuni karne moi laga jivan dibo.

Peter, murga halla nokora aagae te tumi moi ke tin bar nachine kobo.

Etu shaam te, Jisu aru tai laga chela khan etu jaga tu cheri disae. Judas taikhan logote thakia nai....

Moi tumi khan ke chari bo lae ase, Hoilae be baba para pobitro atma tumi khan kae phata bo. Tai tumi khan ke modot kuribo aru tumikhan logote hodai thaki bo.

Tumi moi jabo lae jaga laga rasta janae.

Moi hae rasta, hosa, aru jivan asae. Kunbi baba logote ahibo napari bo, Tai jitia tok moilogot te nahibo.

Tumi yatae thaki bi. Moi prathana kuri bo lae olop aagae te jabo.

Baba, Jodi etu parae koile, moi para etu duk sob loijabi.

Ji hoi lae bi, moi laga nohoi, apuni iccha hae hobo dibi.



Tumi eneka homoi te kile ghumai aase? Uthi bi! Moi ke kun para dhoka dibo le asae tai yatae asae!



Moi jun kae kiss dibo tai ke dhuri bi.



Hello Master!

Judas, ki tumi Massiah ke kiss para dhoka dibo la asae?



Malik, ki moikhan larai kuri bo ?



Nai!



Jisu tai khan keTai nijor para loi jabo di se.Tai laga chela khan sob alak alak jaga te polai jai sae.

Jisu ke dangor dhorom guru osor te loi jai sae, Juntu sob Jewish leaders khan para bi aru dangor thakisaе . Peter aru John dur para tai khan laga pecha pecha ahisaе.



Peter tu Mandir laga panchayat bahar tok jai sae.



Tumi bi Tai(JESUS) logote thakisaе nohoi?



Nai! Moi etu manu ke jana bi naja nae.

Tumi bi tai khan majote ekjon asaе nohoi ?



Hosa bi moi

Moi jani se! Tumi bi tate thaki se! Tumi ekta Gallilean manu asaе.



Moi naja nae tumi khan ki koi asaе.






Murga tin bar hala kuri sae.



Ahibi, tumi sob dikhe nohoi. Kobi kun para tumi ke mari sae.



Phujur te Jisu ke Jewish leaders khan jama howa jagate ani sae.


Ki tumi Isor laga chokora asae ?

Tumi kowa nesi nah hae asae.



Blasphemy! Tai muri bo le lagae. Roman khan ke kochis kuri bo Dibi.

Jisu ke ekta Roman sorkar Pilate logot te ani sae. Jewish leaders khan sai thaka sob manu khan ke Jisu birod te khara kori sae. Aru tai khan Jesu ke arob lagai sae.



Tumi ki kobo etu sob Arob laga opor te? Eku bi nokobo ?



Ki kuri se tumi ?

Moi ahisae saaki dibo lae hosa laga.



Ki asae hosa tu ?




Moi Tai laga eku golti pa nai. Etu porob laga khushi din ase. Moi kun kae chari bo Barabbas na Jewis laga raja ke?





Barabbas!

Barabbas.



Hoilae tumi khan ki kuri bo dibo mon asae moi para etu Jisu ke ?

Tai ke cross tae mari Dibi.

Tai bhabae tai raja asae !

Tumi tai ke chari di lae tumi Caesar's laga sathi nohobo .



Tumi jabo parae Jisu laga bodli tumi ke chari di ase.

Barabbas ke chari di sae. Tai ke golti pai se le ekta rajneti khoon karne.





... 37,38,39!




Moi eku golti nai tai laga khoon te.



Jai(Hail) Jewish laga raja !






Board te ekta khoti tu tinta  
bhasha tae lekhi kina cross te  
lagai disae. Juntu likha asae  
Jisu, Jewish laga raja.



Jisu mana kurisae khabo lae  
bekhai diya laga pani.



Sepai khan Jisu laga kapra  
karnae jua khilisae.



Hoi! Ki tai  
bachisae nohoi  
dusra ke?

Jodi Tumi Isor chokora asae  
koilae cross para ulai kina  
ahibi!



Bachabi nejor  
kae aru moi  
khan kae.

Isor kae olop adar dikha bi. Moi  
khan ki kurisae etu hae moi  
khan paise hoilae bi etu manu  
to eku golti kura nai.



Moikae yaad kuri bi jitya  
apuni nijor rajyo tae jabo!

Moi tumi ke hosa koi  
ase, Sargo te aji tumi moi  
logote thaki bo.



Baro baji din te gham bi harai  
jaishe].Sob andhar hoishe



Mary, Jisu laga ama, aru John, Jisu  
laga chela khan cross laga osor te  
khara kuri thakisae.

Etya para tumi ama  
aro chokora asae.




Oh Isor, Oh Isor, Moike  
kile ekla charidisae?

Moi ke pyas lagi  
asae!



Baba, moi laga atma apuni  
hath te di asae.



Etu tu.... khotom  
hoisae.

Jisu saam laga tin baji te murisae. Ekta sepai para Jisu ke bhala mari kena saisae; pani aro khoon bahar olai sae.



Etu kitab te koisae: “Tai ekta bhera nesina bhera katia manu osor te loi jaishe.”



“Tai ke moi khan laga paap karne jokhom kuri disae” Hoi lae bi etya tai morisae.




Ki tai Messiah thakisae juntu ahibo koa tu nohoi ho?



. Joseph arimethea para aro Nicodemus Jisu laga gao loi jaisae. Linen laga kapra para Jisu laga mora gao tu bandisae aru koborte hali kina ekta dangor pathor para bon kuri disae.



ahibi, hudibo taikhe mati te hali bo karne.





Aram kora laga homoi  
pichetae, juntu porob laga  
bhag thakisae, besi mon dukh  
hoi kina thakia maiki khan Jisu  
ke rakhia jaga te jaisae.



pathor tu hati ki nah  
asae.



Tumi khan jinda manu ke mura  
khan laga bich te kile bisari asae.?  
Tai tu jee uthisae. Jabi aru tai laga  
chela khan ke koi dibi!



Peter aru John polai ke na  
jaisae jitia tai khan jisu jee  
utha laga khobor hunisae.





Ki hoisae ?




Etu tu khali asae.





Etu din te duita mon nupun cheya Jisu laga chela rasta te berai thakia manu logot Jesu duk paa laga khota koi thakisae...

Ki tumi prophet ke biswas nokore nohole? Ki Isor laga anan pabo nimite Messiah dukh kuri bo lagae? etu sob tu kitab te leka asae.



Acchanak bhat kha homoi te aluhey (guest) khan harai jaisae.....

Hoilae bi etu Jisu tai nijor thakisae.



Taikhan logey logey Jisu laga dusra chela khan ke bisaribole jaisae.

Moikhan malik ke dikisae!

Mary aru Peter para bi dikisae!




Acchanak....

Moi tumi ke shanti diasae.



Tumi khan etu Moi asae koi ki nah biswas nakure? Sabi Moi laga hath aru theng te!




Moilaga Malik aru Moi laga Isor !



Jisu Tai laga chelakhan ke challis dintuk dekhai disae aru Tai panso(500) manu khan ke bi dekha disae ekbar te. Ekdin Jisu laga kunba chela khan Gallilee laga nodi te maas dhuri thakisae.

Ki tumi khan logote khabo lae eku nai ?

Nai, amikhan ekubi dhuri bole parianai!





Peter, Ki tumi moike hosa morom kurae ?



Jisu Peter ke etu tin bar hudisae...



Hoi Malik, Apuni janae moi Apuni kae morom kurae.

Moi laga bhera khan ke sabi.



Moi peche ahibi!

Sob swargo aro prithibi laga tagot moi paikena asae. Prithibi te jai ke na moi laga chela sob desh te banabi. Taikhan ke baba, chokora, aru pobitro atma naam te Baptist dibi, aru moi tumi khan ke ki hekai se etu tai khan ke hekai dibi.



Etu yaad rakhibi, Moi hodai tumi khan logot te ase dae. Hodai din dunya khotom noha tuk.

Etu kotha koa peche te Jisu prithibi ke chari ki na swargo phalae uthi jaisae. Hoi le bi tai etu bi koisae ki sobke nyai kuribo lae aru bi wapas ahibo.

Jisu laga chela khan Jerusalem te ruki thakisae, prathana kuri ki na pobitro ,Isor laga atma tai khan ke borta kurisae. Juntu atma Jisu logot thakisae taikhan logote bi ahisae. Aru etu atma para taikhan ke Jisu laga saaki dibole tagot disae.

Mora para Jisu ke rukha bo paria nai. Isor taikhe wapas jee uthibo dikena malik aru Messiah banai disae.



jisu laga chela khan ke kiman birod hoilebi taikhan bahar ulaishe.

Jisu tu Isor laga chokora asae.



Etu khobor bi chithi para hunaisae

Tai ami khan laga paap nijor gao te loike na cross te murisae. Etu nimate paap karne tu moikhan murisae. Aro etya para Isor iccha loike na thakibo.



Jisu para Isor laga iccha  
khan manu karne asan  
kuri disae.



Jisu moikhan ke morom  
korae! Dhanybad aru tai  
laga naam uccha kuribi.



Isor prithibi ke eman morom  
kurisae ki tai neyor laga ekta  
chokora pathisae. Sob manu  
kun hey taikhe biswas kure tai  
kitya bi namuri bo hoilebi  
annanto jivan pabo.

## BIBLE

Jisu laga khani BIBLE te likha asae. Aji tok kunba kitab bi Bible nishena puriya nai. Bible ekta kitab hoi jote bishi kitab asae. Etu lekhi bo le 1500 saal lagisae. Bible tu 1900 saal agae te lekhi ki nah khotom hoisae. Yetae sob kisem laga khani asae jineka Isor manu laga jivan te kinaka kaam kurisae. Kahani te Jisu safa para dekhai kena asae Isor kun asae.


## JISU LAGA ETIHAS

Bible te char ta kitab para Jisu laga kahani jani bo pare. Etu kitab tu lekha manu para jani bo pare. Etu kitab lekha manu khan sob Jisu homoi te thakisae.

1. MATTHEW- Jesu laga chela. Tai ekta khazana loa manu thakisae. Tai para jani bole pare kinaki Jisu Iserael manu logote kam kurisae (Jews manu)

2. MARK- Tai ekkjon jawan chokora asae jetia Jisu kaam kuri thakisae. Jisu para asorit kaam kuria tu tai lekhisae.

3. LUKE- Tai ekta dawai laga doctor thakisae. Tai Jisu ke nijor lok kuria nai. Luke para lekisae manu logote Jisu kenika kaam kurisae.



4. JOHN- Tai bi Jisu laga ekta chela asae. Tai bhal para Jisu kun asae de kai disae. Jisu Isor asae, manu ke paap para bachabo le nimite tai nijor manu hoike na ahisae.



## JISU LAGA JONOM

Jisu laga ama, Mary tu shaddi hoa nai jetia Jisu jonom hoisae. Tai ekkta jawan chukuri thakisae. Hoile bi Isor para Jisu jonom hobo karne enika melaisae. Jisu jonom aagae para hey etu asorit kaam laga kotha tu kitab te likha thakisae. Jisu ekta hero nesina jonom howa nai. Tai Guru laga ghor te jonom hoisae kele koile aru dusra gor thakia nai.

## JISU LAGA ASORIT KAAM

Jisu bishi asorit kaam khana. Bible te asae 40 para bishi bimar bhal kuria pai. etu sob asorit kaam para Jisu dekaisae Isor laga morom aru shakti etu sob para Tai manu ke modot aru khusi kuri bo mon asae.



## JISU MORA ARO JEE UTHA



## Jisu kelae murisae? Etu laga bari te bible te dikena asae.

Sob manu khan kiteya ba tu golti kaam kore juntu Isor para iccha nakure aru juntu para taikhe khong hobole dea aru mon dukh hobole dea, juntu ke paap koi. Etu sob paap kam para Isor logote sathi hoike na thakibo karne dur rakhe. Etu nimite Jesu ahisae. Tai nehor Tai laga iccha para amikhan laga paap Tai opor te loisae juntu morai dea asae. moikhan aru Isor logote sathi hobo karne Jisu moikhan nimite murisae, Hoile bi amikhan ki golti kurisae etu nemite amikhan maaf mangi bo lage. Jisu mora para jinda hoisae. Isor para aru tai ke jinda kuri dishe juntu Isor para dekaisae ki mora para bi Isor hae besi tagot asae. jisu etia Isor logot asae. Aru Tai thaka karne hodai amikhan laga sathi asae. Tai ami khan ke modot kuri bo mon jai eneka bhal thaki bo lae jeneka Isor khusi pai.

## PRATHANA

Jodi apuni golti maney kiba golti kam howa karne aru apuni Isor logote sathi hobole mon, Apuni eneka prathana kuribo pare. "Morom thaka Isor, Apuni moike morom kore. Apuni Jisu ke disae, Apuni laga ekta hae chokora. Tai cross te murisae moi kuriya sob golti kaam karne. Morom para moike maaf dibi. Moilaga golti kaam karne. Moi mon dukh asae. Dhanyabad, ke lae koilae Jisu moi phaale asae. Moi hodai apuni laga hobole mon jaai. Ki Apuni moike morom para modot kuribo. Apuni iccha kuriya nishena thaki bo nimite? Ki Apuni hodai moi asor te thakibo? Moi laga prathana hunidye karne besi dhanyabad. Apuni kosom kha nesina Apuni pura kurae".

# JISU ARU APUNI

Jisu laga kahani tu ekta khula kahani asae. Jisu tu sob manu Laga shathi poila bi aru etya bi asae. Prithibi tu bodli hoisae. Besi manu khan Gadha aru Ghora te naberai hoile bi Gari aru Aeroplane te berai. Hoi lae bi Isor asor te eku bi alak nohoi. Tai jitya Isreal te manu khan logote berai thakisae, etya bi moikhan laga asor te hae asae. Tai ke nadikhibo pare hoile bi Tai hose asae. Tai aji apuni khan laga sathi hobole mon asae. apuni tai ke huni bo le pare aru taik morom kuri bole pare.

Ki apuni khan Jisu laga bari te aru Tai laga jivan laga bari te jani bo le mon asae? Mon jai le apuni khan etu kuri bi:

1. Bible puribo le shuru kori bi nijor karne. (Kotha laga kotha te Luke para lekhiya laga para puribo le shuru kuri bi).

2. Prathana kuri bo le shuru kuri bi (Isor logot te kotha kobo le aro tai ke huni bo le karne apuni khan kiba alak khota kobo nalagae)

3. Jisu aro Bible laga bari te dusra manu khan logote khota kuri bi. Jisu laga Biswasi khan ekjon ekjon lok kuri kina mon dangor kuri ki nah tai laga kotha aru bishi janibo karne.

Publisher: KRISTALAYA MERCY MISSION

Printed: Kristalaya Printers

Text and illustrations: Willem de vink

Copyright 1993 Stichting Wereldtaal, Houten, The Netherlands,

Published in Dutch as "Jezus Messias". Edition in Nagamish. 2020 ISBN: 978-90-73150-69-0

Digital copyright under the terms of the Creative commons By-SA licence.

All rights of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail: [jmpbnortheasts@gmail.com](mailto:jmpbnortheasts@gmail.com)

## JISU MESSIAH

Etu kahani asae Jisu Messiah Laga. Tai Israel te 2000 saal aagey te thakisae. Jun kunba bi tai ke lok kurisae asorit hoisae. Tai kuriya nesina aru kun bi kuria nai. Tai koa kotha aru kun bi koa nai. Jotey Jesu thakise tate asorit kam hoisae. Jun khan Tai ke hunisae khushi aru anando hoisae. Hoile bi acchanak etu sob khotoma. Nijor karne puribi etu kineki hoiahe. Aru sabi kineki Jisu Messiah laga kahani chuli asae.



Language: Nagamish.  
ISBN: 978-90-73150-69-0